

CONVENIO DE COLABORACIÓN ENTRE A AXENCIA GALEGA DE INNOVACIÓN E AS ENTIDADES COLABORADORAS ASOCIACIÓN PARA LA DIGITALIZACIÓN DE LA INDUSTRIA DE GALICIA E ASOCIACIÓN DIH DATALIFE PARA O APOIO NA XESTIÓN DA CONVOCATORIA PARA A SELECCIÓN DE PROXECTOS NO MARCO DO PROGRAMA CONECTA-COVID

MEMORIA XUSTIFICATIVA

A directora da Axencia Galega de Innovación da Vicepresidencia Segunda e Consellería de Economía, Empresa e Innovación, **DECLARA:**

Que a Axencia Galega de Innovación formalizou ca *Asociación para la Digitalización de la Industria de Galicia* e a Asociación *DIH DATAlife* o instrumento convencional arriba referido por un período de vixencia que abrangue dende a sinatura do convenio ata o mesmo periodo de duración que os proxectos que resulten seleccionados na convocatoria ConectaCovid.

Que o instrumento convencional ten por obxecto:

Determinar o marco de colaboración entre a Axencia Galega de Innovación, a *Asociación para la Digitalización de la Industria de Galicia* e a Asociación *DIH DATAlife* para a participación dos hub asinantes, como entidades colaboradoras, apoiando a GAIN na xestión da convocatoria para a selección de proxectos no marco do Programa ConectaCovid.

Ambas entidades xa partipan como entidades colaboradoras no Programa Conecta-Hub da Axencia Galega de Innovación.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:



1. Que GAIN ten previsto publicar próximamente as bases reguladoras e a convocatoria para a concesión de axudas para para proxectos de I+D+i relacionados coa COVID-19 que favorezan a recuperación e a transición dixital das pemes galegas (Programa Conecta-Covid), cofinanciadas polo Fondo Europeo de Desenvolvemento Rexional (Feder) dentro do programa operativo FEDER Galicia 2014-2020 como parte da resposta da Unión á pandemia da COVID19 . Estas axudas están dentro do marco da RIS3 Galicia.
2. Que o hub *Asociación para la Digitalización de la Industria de Galicia* (NIF G-27877166) constituído o 28 de novembro de 2019 é unha entidade sen ánimo de lucro con personalidade xurídica propia e con plena capacidade de obrar.

Que o hub *Asociación DIH DATAlife – Hub de Innovación Dixital DATAlife* (NIF G-70603063) constituído o 31 de outubro de 2019 é unha entidade sen ánimo de lucro con personalidade xurídica propia e con plena capacidade de obrar.

3. Que segundo Resolución do 5 de abril de 2019 (DOG do 3 de maio de 2019), os hubs *Asociación para la Digitalización de la Industria de Galicia* e *Asociación DIH DATAlife* resultaron seleccionados na convocatoria (Resolución do 4 de decembro de 2018, publicada no DOG do 18 de decembro de 2018) para a selección de proxectos de hubs de innovación dixital que contribúan ao avance da Estratexia de especialización intelixente de Galicia (RIS3), recoñendo así o seu carácter estratéxico no marco da RIS3 Galicia.

Que o 16 de decembro de 2019 os hubs *Asociación para la Digitalización de la Industria de Galicia* e *Asociación DIH DATAlife* asinaron cadanseu convenio de colaboración con GAIN para o financiamento das actuacións necesarias para creación, "definición, planificación e posta en marcha do hub de Innovación Dixital". A distribución do orzamento nas anualidades 2019 e 2020 deses



convenios foi modificada nas respectivas addendas asinadas, en ámbolos dous casos, o 31 de decembro de 2019.

4. Que a selección dos hub *Asociación para la Digitalización de la Industria de Galicia* e *Asociación DIH DATAlife* na convocatoria sinalada no punto anterior implica o recoñecemento do seu carácter estratéxico por parte da Administración galega e, polo tanto, permite a súa participación como entidade colaboradora apoiando a GAIN na xestión da convocatoria para a selección de proxectos no marco do Programa Conecta Covid.
5. Que as partes consideran que co fin de asegurar a coherencia dos proxectos seleccionados coas estratexias dos Hub para maximizar o seu impacto, avanzando así no modelo de especialización intelixente ao abeiro da RIS3 de xeito conxunto; e de conformidade cos artigos 9 e 13 da Lei 9/2007, do 13 de xuño, de subvencións de Galicia, acordan subscribir o presente convenio de colaboración.
6. A participación, como entidades colaboradoras, da *Asociación para la Digitalización de la Industria de Galicia* e da *Asociación DIH DATAlife* no Programa Conecta-Hub será efectiva nos ámbitos que se indican a continuación:
 - Colaborando con GAIN na xestión da convocatoria para a selección de proxectos no marco do Programa Conecta-Covid. Esta actuación intégrase tamén no marco de traballo compartido ao abeiro dos respectivos convenios xa asinados con GAIN para optimizar o impacto do financiamento público ao supervisar a coherencia das propostas financiadas na convocatoria do Programa Conecta-Covid. cos obxectivos estratéxicos e o Plan de explotación dos Hubs.
 - Colaborando coas empresas participantes na resolución de dúbidas que poidan ter en relación cos obxectivos e co desenvolvemento dos Hubs.
 - Difundindo a convocatoria e os seus resultados como entidade facilitadora próxima ao tecido produtivo.



Os hub *Asociación para la Digitalización de la Industria de Galicia* e *Asociación DIH DATAlife* emitirán os seguintes informes:

- Fase de selección de proxectos:
 - O sentido do informe versará sobre a idoneidade ou a non idoneidade do proxecto en relación a :
 - a integración eficiente no plan de traballo do proxecto das tecnoloxías dixitais nas que os Hubs están especializados.
 - a súa potencial contribución á transformación dixital das pemes galegas no seus ámbito estratéxicos, así como a súa contribución a preparar unha recuperación dixital da economía galega.
 - O informe solicitado deberá ser presentado no prazo de 20 días naturais, preceptivo pero non vinculante para a Administración.
 - Sen prexuízo do anterior, GAIN poderá solicitar toda documentación aclaratoria respecto dos informes emitidos, así como solicitar unha ampliación dos argumentos contidos nos informes, ou plantexar calquera dúbida necesaria para poder levar a cabo a avaliación dos proxectos.
- Fase de seguimento dos proxectos financiados: Cada hub emitirá os Informes individuais dos proxectos financiados que lle sexan asignados en relación coa coherencia do desenvolvemento de cada proxecto cos aspectos antes citados

7. Cada entidade colaboradora obrígase, sen prexuízo do disposto no artigo 12 da Lei 9/2007, do 13 de xuño, de subvencións de Galicia, ao seguinte:

- Redactar os informes e cumprir os demais aspectos da colaboración que se establecen nas cláusulas deste convenio e que se poderán concretar nas respectivas bases reguladoras e convocatoria do Programa Conecta-Covid .
- Divulgar o Programa Conecta-Covid de GAIN e darlle publicidade á iniciativa mediante anuncios indicativos e visibles na páxina web, onde consten con notoriedade os logotipos da Xunta de Galicia e de GAIN.



- Difundir os resultados dos proxectos que se desenvolvan no marco do Programa Conecta-Covid.
- Presentar a documentación que GAIN considere necesaria para a correcta xestión e seguimento de convocatoria.
- Cumprir as obrigas previstas para as entidades colaboradoras no artigo 12 da Lei 9/2007, do 13 de xuño, de subvencións de Galicia.
- Cumprir as normas sobre confidencialidade de datos, concretamente a Lei orgánica 3/2018, do 5 de decembro, de protección de datos persoais e garantía dos dereitos dixitais.
- Subministrar toda a información necesaria para que GAIN poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.
- Dar consentimento expreso a GAIN para incluír e facer público, nos rexistros regulados polo Decreto 132/2006, do 27 de xullo, polo que se regulan os rexistros públicos de axudas, subvencións e convenios e sancións, os datos referidos ao presente convenio.
- Consentir expresamente a utilización de medios electrónicos na comunicación entre a entidade colaboradora e GAIN nos termos previstos na normativa reguladora do procedemento administrativo común.
- Presentar a GAIN unha declaración individual de confidencialidade e ausencia de conflito de interese (segundo o modelo do Anexo I) de cada persoa que vaia a participar nas actuacións que se desenvolven no marco do convenio.

8. As actuacións desenvolvidas no marco deste convenio non xerarán nin darán lugar a ningunha clase de contraprestación económica entre as entidades asinantes.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos



contemplados na Lei 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela dixitalmente,

Patricia Argerey Vilar

Directora da Axencia Galega de Innovación

